



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm IV. Ecclesia.

[urn:nbn:de:hbz:466:1-62587](#)

coniugii interdicendum, donec de impedimento per legitimas probationes constet, & hæc quoque doctrina in se vera est, c. 3. de dissort. imò etiam argumentum huius capitulo, quippe ex quo vnicum hoc generale Notandum colligitur: Accusatus commodo possessionis sua priuari non debet, donec causa priuationis probata sit, vt etiam In-
noc. docet in c. Cùm M. n. 9. de constit.

CAPITVLVM III.

Ecclesia.

Hoc Capitulum explicabitur in sequenti.

CAPITULUM IV.

Ecclesia.

PARAPHRASIS.

Hæc duo Capitula, vna cum Cap. Ecclesia.

10. De Constituti. coniungi debent, pro plena intelligentia Casus. Ecclesia S. Mariæ de via lata, item mouit Joanni de Ateia, quod possessiones suas detineret, ille exceptit, quod eas non haberet, sed transtulerit in Monasterio S. filiæ sti. Senatori urbis, coram quo lis erat, occasione cuiusdam statuti spoliauit Monasterium, & possessiones restituit Ecclesiæ S. Mariæ. Mox renocata hac senatoris sententiâ Consiliarius Capitolii possessiones iterum abstulit dictæ Ecclesiæ, & Monasterio assignauit, tunc Ecclesia S. Mariæ causam detulit ad Sedem Apostolicam sub Celestino III. ei succedens Innocentius III. rescriptit, Ecclesiæ S. Mariæ possessiones restituendas esse. Sed quia Monasterium eas titulo locationis aliis assignauit, neque recuperare poterat, mandauit, ut aliæ aequivalentes possessiones dictæ Ecclesiæ assignarentur, redemptis hypothecis, quibus grauatae erant. Sed postea etiam ipsum Monasterium querebatur se spoliatum fuisse à senatori, id est que restitui debere, ea propter Innocentius judicauit restituendum esse in possessiones illas substitutas, ita ta-

men, vt à Monasterio non alienentur, donec lis decisa sit, ne si Ecclesia S. Mariæ de vitio litigiosi contractus, aut de proprietate pro rei vindicatione agere voluerit, in vanum laboret, cùm nihil adsit, quod euincere & habere possit.

SUMMARIUM.

1. Quiriem litigiosam alienauit, adhuc per utiliorem rei vindicationem conueniri potest; quamvis consultum etiam sit, ut ex Iudice præcepto res aequivalens alienata substituatur.
2. Eque tamen prohibita est rei huic subrogata quam litigiosa alienatio.
3. Locatio qua non fit ad tempus modicum, venit nomine alienationis.
4. Ex redditu debitoris instrumento presumitur facta solutio.

NOTA I. Si res litigiosa alienata sit, &c. recipi non possit, consilium est, vt ex iudicis præcepto alia res aequivalens substituatur, prohibita eius alienatione. Dico autem consilium esse, seu per talem specificam subrogationem magis consultum fore petitori. Alioqui verò, si quis rem litigiosam alienauerit, nihilominus conueniri poterit etiam per vindicationem utiliorem rei, perinde ac possideret, quia pro possestori habetur, qui dolo possidere desit reg. 36. in 6. &c. Sin autem 27. §. Sed eti. ff. De rei vindicatione. ubi Bart. ait, qui dolo possidere, ut possessor conuenitur.

Nota II. Subrogatum assumit naturam & conditiones eius rei cui subrogatur, ita sumitur ex c. 3. b. t. Nam sicut res litigiosa alienari non potest, lite pendente. I. 2. C. De litigiosis. & c. 1. de alienatione iudicis. ita nec res quæ in locum eius subrogata à tali seruitute liberati debet. Vbi habetur hic in c. 4.

Nota III. Locatio si non fiat ad tempus modicum, comprehenditur nomine alienationis. Clement. 1. in fin. junct. gl. verb. Locationes. de rebus Ecclesia non alienand. & sumuntur ex c. 4. Vbi dicitur, quod Monasterium rem de qua lis erat, locando ita, vt statim recuperari non posuerit, inciderit in vitium contractus litigiosi.

cc 3

Nota

Nota IV. Redditio Instrumenti facta debitori, assert præsumptionem solutionis. Ita gl. hic verb. Resignauerunt. arg. e. Cūm pridem. §. Ille. de pacis. & l. Qui chirographum. 52. junct. gl. marg. ff. de Legat. Quamobrem, si instrumentum debiti penes debitorem reperiatur, vel cancellatum penes creditorem, præsumptio est pro debitore, quod debitum soluerit, admittitur tamen probatio in contrarium, I. Si chirographum. 24. ff. De probationibus. imò etiam præsumptio hæc contrariā maiore præsumptione separari potest, ut si debitor fuit domesticus creditoris, qui clanculum chirographum ipsi eripere vellacerare potuit. arg. auth. ad hoc. §. Ille. C. De latina libertate tollen. & docet Bart. in l. 2. ff. De Pacis. & Panorm. hic. e. 4. n. 16.

Quæres. Quid opus fuerit circuitione istâ, ut Ecclesiæ S. Mariæ restituerentur possessiones à Monasterio S. Siluestri, quæ deinde eidem Monasterio reddi debebant. Resp. Quia fortè Monasterium per modum exceptionis non opposuit spoliationem suam, & idè integræ ei mansit actio, ut restituatur in possessiones sibi per vim erectas; vel tametsi fortè opposuerit, tamen auditum non fuit, eò quod Innocentius III. ad reprobandum factum consiliarij contra Ecclesiasticas personas jurisdictionem exercentis, decreuerit restituendas esse possessiones Ecclesiæ S. Mariæ, perinde ac si spoliatio non interuenisset, vti colligitur ex citato cap. Ecclesia. De Constitut. Postea vero ad reprobandum prius factum senatoris urbis, decreuit restituendum esse Monasterium, quod possessionibus spoliatum erat ab eodem senatore eit. c. Ecclesia.

C A P I T U L U M V.

Dilectus.

P A R A P H R A S I S.

Rector Ecclesiæ de Basilevia controuersiam habebat cum Priore & Monachis eiusdem loci, super jure noualium decimarum, hanc causam Papa quibusdam judicibus delegauit; interim Abbas & conuentus maioris Monasterii, cui Prior

ille cum suo conuentu suberat, pro se & membris suis generalē gratiam à Sede Apostolica impetrârūt, super percipiendis decimis nulla factâ mentione mota litis: nihilominus Prior ille & Monachi ex gratiâ impetratae decimas noualium sibi deberi contendebant; sed Honорius III. rescriptis judicibus, vt non obstante eâ gratiâ in negotio ipso procedant. Intellige Casum huius capituli, quod Prior & Monachi decimas noualium sibi vendicabant, quia ipsi ex antiquo tempore reliquias decimas intra fines parochiæ sitas soliti sint percipere, sed quia succubuisserint in judicio, vti constat ex c. 29. de Decimis. vbi decimæ noualium parocho adjudicantur, non obstante, quod perceptio decimarum ex antiquo tempore pertinuerit ad alia Ecclesiâ vel Monasterium, idè Abbas superior, cuius Monasterio prioratus ille subiectus & incorporatus erat, pro le & membris suis impetravit à Pontifice ampliorem gratiam, super perceptione omnium decimarum, etiam ex noualibus, supprimens quod de his inter parochum & Priorem lis mota fuerit.

S V M M A R I V M.

- Subreptitium est priuilegium, quod in praeditum alterius, cum quo lis mota est, impetratur nulla litis mota factâ mentione.

Notandum Vnicum. Priuilegium impetratum in praeditum alterius, cum quo lis mota est, nulla factâ litis pendentis mentione, subreptitium & irritum censeretur. Ita etiam sumitur ex c. Causam. junct. gl. magna. de testib. c. Dudum junct. gl. magn. de Priuileg. Quia princeps non censetur dare priuilegium cum praeditio juris alieni, presertim possessoris, sic etiam in priuilegio impetrando facienda est mentio antecedentis super ea re fæderis seu compositionis, quippe cui princeps non facile derogare solet. e. 3. de Decimis. Accedit in confirmationem, quod statutum aut lex de nouo emanans non se extendat ad causam litis pendentis, quin potius ea de cùdi debet secundum jura pristina. auth. in medio litis sacras iussiones non fieri.